

Surat khabar: Utusan Borneo (Berita Iban)

Hari/Tarikh: 19/7/2016

Muka surat: 9

Tajuk : PUSAKA enggau Unimas terus besaup ngerembaika makit eksport industri kayu

PUSAKA enggau Unimas terus besaup ngerembaika makit eksport industri kayu

KOTA SAMARAHAN: Dalam atur ngerembaika industri kayu kelebih agi ba sentang pengawa nempa kereban rumah di nengeri tu, Gerempung Pemansang Industri Kayu Sarawak (PUSAKA) nyain memorandum (MoU) Kursi Pusaka enggau Universiti Malaysia Sarawak (Unimas).

Pengawa nyain MoU dikemata Menteri Pengatur Pengeraja Asal enggau Rampa Menua II Datuk Amar Awang Tengah Ali Hasan, Menteri Muda Pemansang Industri (Pemeranak Puku enggau Promosyen) Datuk Julaihi Narawi enggau Chairman Lembaga Direktor Unimas Datu Dr Hatta Solhi.

MoU Kursi Pusaka disain Menijar Besai Pusaka Datu

Sarudu Hoklai, Sapit Menijar Besai Pusaka Hashim Bojet ngarika Pusaka ke alai Unimas diarika Mandal Chanselor Datuk Dr Mohamad Kadim Suaidi enggau Sapit Mandal Chanselor (Pansik enggau Inovasyen) Prof Dr Kopli Bujang.

“MoU setipak enggau pengeran perintah ngadu ubah ba industri kayu di Sarawak ke alai ba maya ke diatu kitai bepanggai enggau eksport kayu sereta produk kayu baka balak, papan lapis, kayu geraji enggau produk buhai.

“Nengah inisiatif tu, kerejasama Pusaka enggau Unimas ulih nyaup ngerembaika industri unguip makit eksport,”ku Awang Tengah di Rumah Universiti, Unimas

kemari.

Nitihka penerang ari Menteri Pemansang Industri, Pekara Dagang enggau Pemeranak Puku nya, kerejasama mega mantu nempa kar baru ba kereban rumah ngambi ulih besemekih ba makit dalam enggau luar menua.

“Nengah belanja pansik tu (Kursi Pusaka), Pusaka ulih nguna pemayuh bala intelektual Unimas ngambi ulih ngeransing pengawa nempa kar baru ba kereban rumah,”ku iya.

Iya mega madah kerejasama nya ulih nempa mayuh agi raban nemiak baka ke nemiak universiti ti ngembuan pengelandik nempa kereban rumah bekualiti tinggi sereta nyaup ngangkatka tikas esport kereban rumah ari nengeri tu.



NGEMANSANG PRODUK KAYU: Awang Tengah (bediri dua kanan) ngemata pengawa nyain MoU antara Pusaka enggau Unimas di rumah Universiti kemari. Bela ngemata Julaihi (bediri kanan).